

V. Lanificæ doctas callebat Palladis artes,
Lanigeri tractans velleræ pura gregis.
Lanea honorificas ad vestes texta paravit,
Et pannos æquo vendidit ære suos.
H. Vna dies rapuit, quem plurima tempora quærent,
Ante diem raptum ciuica turba gemit.
Illa dies igitur nigro est signanda lapillo,
Qua talem rapuit mors properata virum.
Virtus quanta viri fuerit, prudentia quanta,
Aonia accipi te referente Charis.
Dic mihi, quod nomen, dic quod cognomen habebat,
V. Ipse Faber dictus Bartholomæus erat.
H. Vir pius ipse fuit, dumq; ipsius haurio laudes
Auribus, incipiunt ecce madere genæ.
Cui precor ex imis animi penetralibus huius,
Illius in pace vt molliter ossa cubent,
Æterni donec, magna comitante caterua,
Siderea veniat natus ab arce Patris.
V. Tunc subito tumulata cadauera viua resurgent,
Corporibusq; vetus restituetur honos.
H. Publica quis posuit mæsti monumenta sepulchri,
Et tumulo illius quis dedit hos titulos.
V. Extincti luxit qui fata nouissima, charo
Inferias natus persoluitq; Patri:

Inge